

Naalakkersuisut siulittaasuat

Landsstyreformanden



Inatsisartunut ilaasortaq
Otto Jeremiassen
maani/

Apeqqummut nr. 2008 – 68-mut akissut

Inatsisartut suleriaasianni § 36 naapertorlugu aamma ikaarsaariarnermi ataatsimiititaliani januarip aallaqqaataani 2008-mi kommunerujussuannngortuni kommunalbestyrelsinngortuni ilaasortat aningaasarsiaat pillugit Naalakkersuisut qanoq aaqqiissuteqarnissamut pilersaaruteqarnerannik Naalakkersuisunut apeqquutit, Naalakkersuisut tiguaat.

Ilisimatitsissutigineqarsinnaavoq Inatsisartut 2007-imi ukiakkut ataatsimiinnerminni nalilermassuk, ikaarsaariarnermi ataatsimiititaliani ilaasortat akissarsiaqartitaanerannut malittarisassat, maannamut akissarsiat pillugit nalunaarummut tunngatillugu allannngortinnissaat pisariaqartinneqanngitsoq.

Akissarsiat pillugit nalunaarutip malinnaatinneqarnera eqqarsaatigalugu ilisimatitsissutigineqarsinnaavoq, ikaarsaariarnermi ataatsimiititalianut tusarniaanermut atatillugu naalakkersuisut nutaamik aqutsinermut inatsissamut siunnersuuteqarnerminni akissuteqarnissamut killiliummassuk, ulloq 6. juli 2008. Siunnersuummi §§-ini 76-78 takuneqarsinnaavoq, kommunalbestyrelsinut ilaasortat akissarsiaasa allannngortinneqarnissaannut piumasaqaatit allannngortinneqarnissaat siunnersuutigineqartoq aamma taamaalilluni ullumikkut ilaasortat suliaasaqarfinni peqataasarnerannut immikkut ittumik akilerneqartarnerat ilaasortat akissarsiaqartitaanerannut ilanngunneqassasoq.

Aqutsineq pillugu inatsissamut nutaamut siunnersuut Inatsisartut ukiaanerani ataatsimiinneranni suliarineqareersimatinnagu, akissarsiat pillugit nalunaarummik Naalakkersuisut allannngortitsilersaannngillat. Siunnersuut Inatsisartut akuersissutigippassuk ukiup nikinginnerani Naalakkersuisut akissarsiat pillugit nalunaarut nutaaq qularnaallisikkumaarpaat. Naalakkersuisut isumaqarput akissarsiat akisussaaffimmut naleqquttuusariaqartut. Peqatigitillugu nalilerneqarpoq qinikkat paasissutissiinermik Teknologimik aamma ataatsimiinnissanut pilersaarutinik annerusumik atuinerisigut, ilaasortatut iseritarisinnaasamikkut inuttut inuussutissarsionerminnit annaasaqarsinnaanertik minnerulersisinnaagaat.

24. juli 2008
Sags nr.
2008-009810
Dok. nr. 76219
Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

Inussiarnersumik inuulluaqqusillunga
Med venlig hilsen

Naalakkersuisut siulittaasuat
Landsstyreformand

Hans Enoksen